



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ad annum Christi 1563

Fleury, Claude

August. Vind. [u.a.], 1771

VD18 90118618

§. 18. Hispaniæ Regis consilium de inquisitione Mediolani instituenda.

[urn:nbn:de:hbz:466:1-66653](https://nbn-resolving.de/urn:nbn:de:hbz:466:1-66653)

Sæcul. XVI. Postea summus Pontifex ex Cardinalium Consilio, consensuque electionem, de qua diximus, confirmabat, supplens defectus jam enarratos, & in eo actu distincte numeratos: postea vero decretum est, ut in sequenti Senatu, qui post biduum die septima Februarii habitus est, exciperetur Legatus Maximiliani tanquam Regis Romanorum Orator: qui delatis Principis sui literis fidem conciliantibus, consuetam orationem præmittebat, pollicitus in illa ejusdem amorem, reverentiam, observantiam, & obsequium, studiose tamen hac voce *obedientia* usus non est, sed ejus loco verbum hoc: *obsequium* usurpabat. (*)

§. XVIII.

Hispaniæ Regis Consilium de Inquisitione Mediolani instituenda.

Pallav. e. 8. Interea Philippus II. Hispaniæ Rex, num. 2. cum sibi sat comprobatum haberet, Thuan. l. 36. quod tutissimum contra hæreses propugnaculum sacræ Inquisitionis tribunal esset, illud quoque in Mediolanensi Ducatu erigere constituit, ac Pontifex Regis hujus consilium ratum habens, eidem hanc facultatem concessit: vix autem

(*) Quod tamen, inquit Pallavicinus, latine idem sonat, ac *obedientia*.

autem hujus rei fama per Mediolanensem ditionem percrebuit, cum illico nonnulli ad indignationem, alii autem ad terrorem, ac saniores ad seditionem concitarentur, quamvis vero illis proponeretur, hujus Tribunalis judices nequaquam Hispanos, sed natione Italo fore, qui minori severitate uterentur, nihilominus hi quoque sua auctoritate abusuri credebantur, atque exempla, quae vel oculorum, vel aurum testimonio erant comprobata, magis adhuc mali timorem augebant. Denique tam crebræ audiebantur indignationes, ut illæ tandem ad communem Mediolanensium seditionem spectare timerentur: unde ad præcavendum ejusmodi malum Pontifex concessam facultatem revocabat, atque hoc Tribunal erigi non permittebat.

§. XIX.

Meliten sis Orator in generali Congregatione exceptus, ac de Sacramento Matrimonii suam sententiam edicens.

Die septima Septembris generalis habebatur Patrum conventus, in quo præprimis Orator Meliten sis excipiebatur, ubi eidem ultimus locus post Ecclesiasticos Principum Laicorum Ora-

Pallav. c. 8.
n. 7. § 9.
Psal. p. 399.

tores,